

ერთის მხრივ სსიპ საქართველოს მუნიციპალური განვითარების ფონდი (შემდგომში - შემსყიდველი), წარმოდგენილი მისი აღმასრულებელი დირექტორის, გიორგი შენგელიას სახით და მეორეს მხრივ შპს „აბსოლუტ სერვისი“ (შემდგომში - მიმწოდებელი) წარმოდგენილი მისი დირექტორის, თედორე კუხიანიძის სახით, შემსყიდველის მიერ გამოცხადებული ელექტრონული ტენდერის SPA190001363 შედეგების გათვალისწინებით, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები:

- 1.1. „ხელშეკრულება სახელმწიფო შესყიდვის შესახებ“ (შემდგომში - ხელშეკრულება) - შემსყიდველ ორგანიზაციასა და მიმწოდებელ ორგანიზაციას შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელზედაც მხარეთა შორის გაფორმდა ხელშეკრულება.
- 1.3. „შემსყიდველი ორგანიზაცია“ (შემდგომში - შემსყიდველი) ნიშნავს ორგანიზაციას, რომელიც ახორციელებს შესყიდვას;
- 1.4. „მიმწოდებელი“ ნიშნავს ორგანიზაციას, რომელთანაც შემსყიდველმა გააფორმა სახელმწიფო შესყიდვის შესახებ ხელშეკრულება და რომელიც ახორციელებს მომსახურების გაწევას სახელმწიფო შესყიდვის შესახებ წინამდებარე ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს თუ ხელშეკრულებით სხვა რამ არ არის გათვალისწინებული.

2. ხელშეკრულების საგანი:

2.1. წინამდებარე ხელშეკრულების საფუძველზე მიმწოდებელი კისრულობს ვალდებულებას, გაუწიოს შემსყიდველს წინამდებარე ხელშეკრულების დანართი N1-ით (შესყიდვის ობიექტის აღწერასთან დაკავშირებული ინფორმაცია) გათვალისწინებული პირობების შესაბამისად, გურჯაანისა და საგარეჯოს მუნიციპალიტეტებში, სოფელ ველისციხიდან სოფელ კაკაბეთამდე (ცენტრალურ მაგისტრალამდე სოფელ ჭერემის გავლით) გზის რეაბილიტაციისა და მდინარე ჭერემის ხევზე ორი ახალი სახიდე გადასასვლელის მშენებლობის დეტალური საპროექტო-სახარჯთაღრიცხვო დოკუმენტაციის, ასევე გარემოსდაცვითი დოკუმენტაციის შედგენის მომსახურება (შემდგომში - მომსახურება) (CPV-71300000) ხოლო შემსყიდველი კისრულობს ვალდებულებას მიიღოს გაწეული მომსახურება და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

3. ხელშეკრულების ღირებულება:

- 3.1. მთლიანი სახელშეკრულებო ღირებულება შეადგენს 299,999.00 ლარს, დღგ-ს ჩათვლით.
- 3.2. ხელშეკრულების ღირებულება მოიცავს ყველა ხარჯსა და მოსაკრებელს, რომელიც დაკავშირებული იქნება წინამდებარე ხელშეკრულების დანართი N1-ით (შესყიდვის ობიექტის აღწერასთან დაკავშირებული ინფორმაცია) (შემდგომში - დანართი N1) გათვალისწინებული მომსახურების მიწოდებისთვის, საპროექტო-სახარჯთაღრიცხვო დოკუმენტაციის შეთანხმების ხარჯს (ასეთი ხარჯის არსებობის შემთხვევაში), დეტალური საპროექტო-სახარჯთაღრიცხვო დოკუმენტაციის საექსპერტო მომსახურების ხარჯს და მიმწოდებლისთვის გათვალისწინებულ ყველა გადასახადს.
- 3.3. გასაწევი მომსახურების რაოდენობა და ერთეულის ფასი მოცემულია ხელშეკრულების დანართ N2-ში (შემდგომში - ხარჯთაღრიცხვა).
- 3.4. დანართი N1 და ხარჯთაღრიცხვა წარმოადგენს წინამდებარე ხელშეკრულების განუყოფელ ნაწილს.

4. შესყიდვის ობიექტის მახასიათებლები და მიწოდების ვადები:

- 4.1. შესყიდვის ობიექტის მახასიათებლები, მომსახურების გაწევისას გასატარებელი ღონისძიებები, საპროექტო-სახარჯთაღრიცხვო დოკუმენტაციის შემადგენლობა, მომსახურების გაწევის პირობები და მიმწოდებლისთვის დადგენილი სხვა მოთხოვნები, რომელიც აუცილებელი იქნება მომსახურების გაწევისათვის, მოცემულია ხელშეკრულების დანართ N1-ში.
- 4.2. მომსახურების გაწევისას მიმწოდებელმა უნდა გაითვალისწინოს საქართველოში მოქმედი სამართლებრივი აქტებით დადგენილი ყველა მოთხოვნა, რომელიც დაკავშირებული იქნება მომსახურების გაწევასთან, ასევე გაწეული მომსახურება უნდა შეესაბამებოდეს აღნიშნული

მომსახურებისათვის დადგენილ საერთაშორისო სტანდარტებსა და მოთხოვნებს.

4.3. მომსახურების ეტაპების მიწოდების ვადები მოცემულია ხელშეკრულების დანართ N1-ში.

5. ხელშეკრულების შესრულების კონტროლი:

5.1. ხელშეკრულების მიმდინარეობის ნებისმიერ ეტაპზე, შემსყიდველი ახორციელებს კონტროლს, მიმწოდებლის მიერ ნაკისრი ვალდებულებების შესრულებაზე.

5.2. ხელშეკრულების მიმდინარეობის კონტროლის მიზანს წარმოადგენს:

5.2.1. მომსახურების მიწოდების ვადების ხელშეკრულების მოთხოვნებთან შესაბამისობის დადგენა;

5.2.2. გაწეული მომსახურების ხარისხის ხელშეკრულებით გათვალისწინებულ მოთხოვნებთან შესაბამისობის დადგენა, მომსახურების განხილვა-შეთანხმება, საექსპერტო დასკვნის განხილვა, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის, ან არაჯეროვანი შესრულების შემთხვევაში, შესაბამისი ინსპექტირების დასკვნის შედგენა.

5.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

5.3. ხელშეკრულების შესრულების კონტროლს ახორციელებს სსიპ საქართველოს მუნიციპალური განვითარების ფონდის პროგრამის მენეჯერი (აზიის განვითარების ბანკი), ბეჟა თორია.

6. შესყიდვის ობიექტის მიღება-ჩაბარების წესი:

6.1. ხარჯთაღრიცხვითა და დანართი N1-ით გათვალისწინებულ, თითოეულ ობიექტზე საბოლოო დეტალური საპროექტო-სახარჯთაღრიცხვო დოკუმენტაციის, ასევე გარემოსდაცვითი დოკუმენტაციის მიღება განხორციელდება მხარეთა უფლებამოსილი წარმომადგენლების მიერ გაფორმებული მიღება-ჩაბარების აქტის საფუძველზე.

6.2. თითოეულ ობიექტზე საბოლოო დეტალური საპროექტო-სახარჯთაღრიცხვო დოკუმენტაციისა და გარემოსდაცვითი დოკუმენტაციის მიწოდებისა და მიღება-ჩაბარების პირობები მოცემულია დანართი N1-ით პუნქტი 1.4. (მომსახურების ეტაპების მიწოდების ვადები) მიხედვით.

6.3. თითოეულ ობიექტზე საბოლოო დეტალური საპროექტო-სახარჯთაღრიცხვო დოკუმენტაციის მიღება განხორციელდება ადგილობრივ მუნიციპალიტეტთან პროექტის შეთანხმების დოკუმენტის წარმოდგენის საფუძველზე.

6.4. გარემოსდაცვითი დოკუმენტის მიღება განხორციელდება ასეთი დოკუმენტის შემუშავების აუცილებლობის შემთხვევაში.

6.5. შემსყიდველის მხრიდან მომსახურების მიღება-ჩაბარებაზე უფლებამოსილი პირი არის სსიპ საქართველოს მუნიციპალური განვითარების ფონდის საინჟინრო შეფასების სპეციალისტი, გიორგი ფეხმაშვილი.

7. ანგარიშსწორება:

7.1. ანგარიშსწორება მიმწოდებელთან განხორციელდება ლარში, უნაღდო ანგარიშსწორების ფორმით, მიმწოდებლის საბანკო რეკვიზიტებზე, ფაქტიურად გაწეული მომსახურების ღირებულების შესაბამისად.

7.2. ანგარიშსწორება განხორციელდება ფაქტიურად გაწეულ მომსახურებაზე გაფორმებული მიღება-ჩაბარების აქტისა და მიმწოდებლის მიერ დადგენილი წესით საგადასახადო ანგარიშფაქტურის წარდგენის (თუ მიმწოდებელი არის დღგ-ს გადამხდელი) საფუძველზე.

7.3. ანგარიშსწორება მიმწოდებელთან განხორციელდება მიმწოდებლის მიერ ხელშეკრულების 7.2. პუნქტით გათვალისწინებული დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.

7.4. მიმწოდებლის არგუმენტირებული მოთხოვნის შემთხვევაში შესაძლებელია საავანსო ანგარიშსწორება მთლიანი სახელშეკრულებო ღირებულების არაუმეტეს 50%-ის ფარგლებში, საქართველოში მოქმედი საფინანსო ინსტიტუტის მიერ გაცემული, შემსყიდველთან შეთანხმებული შინაარსის, უპირობო, გამოუთხოვადი, წინასწარი ანგარიშსწორების (საავანსო) საბანკო გარანტიის წარმოდგენის საფუძველზე, რომლის მოქმედების ვადა მინიმუმ 60 (სამოცი) კალენდარული დღით უნდა აღემატებოდეს მომსახურების გაწევის საბოლოო ვადას.

7.5. საავანსო ანგარიშსწორებასთან დაკავშირებით მიმწოდებლის მიერ წარმოდგენილი არგუმენტის გათვალისწინებით, შემსყიდველი უფლებამოსილია შეამციროს მოთხოვნილი ავანსის მოცულობა, ასევე განსაზღვროს საავანსო ანგარიშსწორების პერიოდულობა.

7.6. თეთრ სიაში რეგისტრირებული მიმწოდებელი, წარმოადგენს წინასწარი ანგარიშსწორების (საავანსო გადახდა) საბანკო გარანტიას საავანსო თანხის 50%-ის ოდენობით.

7.7. წინასწარი ანგარიშსწორება მიმწოდებელთან განხორციელდება მის მიერ შესაბამის თანხაზე გაცემული წინასწარი ანგარიშსწორების (საავანსო) საბანკო გარანტიის წარმოდგენიდან 10 (ათი) სამუშაო დღის განმავლობაში.

7.8. წინასწარი ანგარიშსწორების შემთხვევაში თავდაპირველად განხორციელდება საავანსო თანხის დაქვითვა

სრულად.

7.9. შესაძლებელია ანგარიშსწორება განხორციელდეს ცალკეული ეტაპების მიხედვით, შემდეგი პროპორციით:

7.9.1. თითოეული დასაპროექტებელი ობიექტის სამიზნო-კვლევითი სამუშაოების ანგარიში - ხარჯთაღრიცხვით გათვალისწინებული შესაბამისი დასაპროექტებელი ობიექტის ღირებულების არაუმეტეს 20%.

7.9.2. თითოეული დასაპროექტებელი ობიექტის საწყისი ვარიანტი - ხარჯთაღრიცხვით გათვალისწინებული შესაბამისი დასაპროექტებელი ობიექტის ღირებულების არაუმეტეს 20%.

7.9.3. თითოეული დასაპროექტებელი ობიექტის საბოლოო დეტალური საპროექტო-სახარჯთაღრიცხვო დოკუმენტაცია - ხარჯთაღრიცხვით გათვალისწინებული შესაბამისი დასაპროექტებელი ობიექტის ღირებულების არაუმეტეს 60%.

7.9.4. სკოპინგის საბოლოო ანგარიში - ხარჯთაღრიცხვით გათვალისწინებული გარემოსდაცვითი დოკუმენტაციის ღირებულების არაუმეტეს 40%.

7.9.5. გარემოზე ზემოქმედების შეფასების ანგარიში - ხარჯთაღრიცხვით გათვალისწინებული გარემოსდაცვითი დოკუმენტაციის ღირებულების არაუმეტეს 60%.

8. მომსახურების ხარისხი და გარანტია:

მიმწოდებელი იძლევა გარანტიას, რომ მის მიერ გაწეული მომსახურება იქნება უფლებრივად და ნივთობრივად უნაკლო, არ გამოავლენს ხარვეზებს და შესრულებული იქნება მაღალხარისხოვნად, წინააღმდეგ შემთხვევაში იგი ვალდებულია საკუთარი სახსრებით უზრუნველყოს გამოვლენილი ხარვეზის გამოსწორება.

9. შესყიდვის ობიექტის საკუთრება, კონფიდენციალურობა და სავტორო უფლება:

9.1. მიმწოდებლის მიერ მიწოდებული საპროექტო-სახარჯთაღრიცხვო დოკუმენტაცია და საპროექტო-სახარჯთაღრიცხვო დოკუმენტაციით გათვალისწინებული ყველა სახის მასალა (გამოკვლევა, ანგარიშები, ან სხვა მასალები, გრაფიკა, პროგრამული უზრუნველყოფა და სხვა დოკუმენტები) მიღება-ჩაბარების აქტის გაფორმების დღიდან წარმოადგენს შემსყიდველის საკუთრებას.

9.2. წინამდებარე ხელშეკრულების მოქმედების ვადაში და მისი შეწყვეტის შემდგომაც მიმწოდებელმა უნდა უზრუნველყოს საპროექტო-სახარჯთაღრიცხვო დოკუმენტაციისა და მის შემადგენელ ყველა ნაწილთან დაკავშირებული ინფორმაციის კონფიდენციალურობის დაცვა.

9.3. საავტორო უფლების საკითხი რეგულირდება მოქმედი კანონმდებლობის შესაბამისად.

10. მხარეთა ვალდებულებები:

10.1. მიმწოდებელი ვალდებულია:

10.1.1. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

10.1.2. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

10.1.3. დროულად და საკუთარი ხარჯებით უზრუნველყოს საპროექტო დოკუმენტაციის შეთანხმება ჩართულ მხარესთან (ასეთის არსებობის შემთხვევაში), ასევე საკუთარი ხარჯებით დროულად უზრუნველყოს დეტალური საპროექტო დოკუმენტაციის ექსპერტიზის ჩატარება.

10.2. შემსყიდველი ვალდებულია:

10.2.1. დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს მიმწოდებლის დროული და სრული დაფინანსება;

10.2.2. დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

10.2.3. დაიცვას ხელშეკრულებით გათვალისწინებული ყველა პირობა.

11. მხარეთა უფლებები:

11.1. მიმწოდებელს უფლება აქვს:

11.1.1. ხელშეკრულების ფარგლებში მოითხოვოს დროული და სრული დაფინანსება.

11.2. შემსყიდველს უფლება აქვს:

11.2.1. აწარმოოს მიმწოდებლის მიერ წინამდებარე ხელშეკრულებით ნაკისრი ვალდებულებების კონტროლი;

11.2.2. განაცხადოს უარი უხარისხო მომსახურების მიღებაზე.

12. ფორს-მაჟორი:

12.1. ხელშეკრულების პირობების, ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების

შეუსრულებლობა, ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და მომსახურების გაწევისათვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში, ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნება ფორს-მაჟორული გარემოებების ზეგავლენისაგან.

13. ხელშეკრულების პირობების და ფასების გადასინჯვა:

13.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

13.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

13.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

13.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

14. სადავო საკითხების გადაწყვეტა:

14.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების, ან მასთან დაკავშირებული სხვა კომპონენტის ირგვლივ.

14.2. თუ შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

15. ხელშეკრულების შესრულების შეფერხება:

თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

16. ხელშეკრულების შესრულების უზრუნველყოფა:

16.1. იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, საქართველოში მოქმედი საფინანსო ორგანიზაციიდან წარმოდგენილია შემსყიდველთან შეთანხმებული შინაარსის, უპირობო და გამოუთხოვადი 14,999.95 ლარის ღირებულების ხელშეკრულების შესრულების უზრუნველყოფის საბანკო გარანტია, რომლის მოქმედების ვადა მინიმუმ 60 (სამოცი) კალენდარული დღით უნდა აღემატებოდეს მომსახურების გაწევის საბოლოო ვადას.

16.2. იმ შემთხვევაში, თუ ხელშეკრულებით გათვალისწინებული გარემოებების დადგომისას, შეთანხმების შედეგად გაგრძელდა მომსახურების მიწოდების ვადა, მიმწოდებელი ვალდებულია წარმოადგინოს

გაგრძელებული ვადის ან/და ხელშეკრულების შესრულების უზრუნველყოფის, საქართველოში მოქმედი საფინანსო ორგანიზაციის მიერ გაცემული ახალი საბანკო გარანტია, რომლის მოქმედების ვადა მინიმუმ 60 (სამოცი) კალენდარული დღით უნდა აღემატებოდეს გაგრძელებულ ვადას.

16.3. იმ შემთხვევაში, თუ წინამდებარე ხელშეკრულების 16.2. პუნქტით გათვალისწინებული შემთხვევის არსებობისას მიმწოდებელი ხელშეკრულების შესრულების უზრუნველყოფის საბანკო გარანტიის ვადის გასვლამდე 5 (ხუთი) სამუშაო დღით ადრე არ, ან ვერ წარმოადგენს წინამდებარე ხელშეკრულების 16.2. პუნქტით გათვალისწინებულ, გაგრძელებული ვადის, ან ახალ საბანკო გარანტიას, ან მხარეები ვერ შეთანხმდებიან მიწოდების ვადის გაგრძელებაზე, ან ხელშეკრულება ვადად შეწყდება მიმწოდებლის ბრალეულობით, შემსყიდველი მიმართავს საბანკო გარანტიის გამცემ ორგანოს საბანკო გარანტიით გათვალისწინებული თანხის სრულად გამოთხოვაზე. ამასთანავე, საბანკო გარანტიით გათვალისწინებული თანხის შემცირება არ განხორციელდება წინამდებარე ხელშეკრულების 17.1. პუნქტით დაკისრებული პირგასამტეხლოს პროპორციულად, დაკისრებული პირგასამტეხლოს გადახდას მიმწოდებელი უზრუნველყოფს დამატებით, წინამდებარე ხელშეკრულებით გათვალისწინებული პირობების შესაბამისად.

16.4. საბანკო გარანტია მიმწოდებელს დაუბრუნდება ხელშეკრულებით ნაკისრი ვალდებულებების სრულად შესრულებისას.

17. ხელშეკრულების პირობების შეუსრულებლობა:

17.1. მიმწოდებელი კისრულობს პასუხისმგებლობას ხელშეკრულებით გათვალისწინებული მომსახურების ეტაპების მიწოდების ვადის დარღვევის შემთხვევაში გადაუხადოს შემსყიდველს პირგასამტეხლო, შეუსრულებელი ვალდებულების ღირებულების 0,1%-ის ოდენობით, ყოველ ვადაგადაცილებულ დღეზე.

17.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევის შემთხვევაში მიმწოდებლის წერილობითი მოთხოვნის საფუძველზე გადაუხადოს პირგასამტეხლო მიმწოდებელს, შეუსრულებელი ვალდებულების ღირებულების 0,1%-ის ოდენობით, ყოველ ვადაგადაცილებულ დღეზე.

17.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

17.4. იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის დაკისრებული პირგასამტეხლო შეადგენს 2%, მეორე მხარეს უფლება აქვს ცალმხრივად შეწყვიტოს ხელშეკრულება.

17.5. იმ შემთხვევაში, თუ წინამდებარე ხელშეკრულების 17.4. პუნქტით გათვალისწინებული პირობა დადგა მიმწოდებლის მიერ ხელშეკრულების პირობების არაჯეროვანი შესრულების, ან შეუსრულებლობის გამო, მიმწოდებელი ვალდებულია შემსყიდველის მიერ პირგასამტეხლოს დაკისრების თაობაზე შესაბამისი შეტყობინების წარდგენიდან 10 (ათი) სამუშაო დღის ვადაში უზრუნველყოს დაკისრებული პირგასამტეხლოს გადახდა შემსყიდველის მიერ მითითებულ რეკვიზიტებზე.

17.6. შემსყიდველი უფლებამოსილია, ხოლო მიმწოდებელი თანხმად დაკისრებული პირგასამტეხლოს გამოქვითვა განხორციელდეს საანგარიშსწორებო თანხიდან, ასეთ შემთხვევაში პირგასამტეხლოს სახით დაკავებული თანხის შესაბამის რეკვიზიტებზე გადარიცხვას უზრუნველყოფს შემსყიდველი.

17.7. მხარეები ითვალისწინებენ, რომ ხელშეკრულების შესრულების უზრუნველყოფის საბანკო გარანტია გამოიყენება მიმწოდებლის მიერ ხელშეკრულებით ნაკისრი ვალდებულებების შეუსრულებლობის რისკის თავიდან ასაცილებლად და საბანკო გარანტიით გათვალისწინებული თანხის სრულად გამოთხოვა განხორციელდება წინამდებარე ხელშეკრულების 16.3. პუნქტით გათვალისწინებული პირობის დადგომის დროს, აღნიშნულის გათვალისწინებით, ხელშეკრულების შესრულების უზრუნველყოფის საბანკო გარანტიით გათვალისწინებული თანხის შემცირება არ განხორციელდება დაკისრებული პირგასამტეხლოს შესაბამისი თანხის პროპორციულად, დაკისრებული პირგასამტეხლოს გადახდას (ასეთის არსებობის შემთხვევაში) მიმწოდებელი უზრუნველყოფს დამატებით.

18. ხელშეკრულების შეწყვეტა:

ხელშეკრულება შეიძლება შეწყვეტილი იქნეს:

18.1. მხარეთა შეთანხმებით;

18.2. ხელშეკრულების 17.4. პუნქტით გათვალისწინებული პირობის არსებობისას;

18.3. მიმწოდებლის ბრალეულობით, მომსახურების, ან მომსახურების ცალკეული ეტაპების მიწოდების ვადების 20 დღეზე მეტი ვადით დარღვევის შემთხვევაში;

18.4. საქართველოს მოქმედი კანონმდებლობით გათვალისწინებულ სხვა შემთხვევებში.

19. ხელშეკრულების მოქმედების ვადა:

წინამდებარე ხელშეკრულება ძალაში შედის ხელმოწერისთანავე და მოქმედებს 2020 წლის 29 მაისის

შესყიდვის ობიექტის აღწერასთან დაკავშირებული ინფორმაცია

პუნქტი 1.1. შესყიდვის ობიექტის დასახელება

გურჯაანის და საგარეჯოს მუნიციპალიტეტებში სოფელ ველისციხიდან სოფელ კაკაბეთამდე (ცენტრალურ მაგისტრალამდე სოფელ ჭერემის გავლით) გზის რეაბილიტაციისა და მდინარე ჭერემის ხევზე ორი ახალი სახიდე გადასასვლელის მშენებლობის დეტალური საპროექტო-სახარჯთაღრიცხვო დოკუმენტაციის, ასევე გარემოსდაცვითი დოკუმენტაციის შედგენის მომსახურება.

პუნქტი 1.2. მომსახურების აღწერა და ტექნიკური დავალება

1.2.1. პროექტის მოკლე აღწერა

დასაპროექტებელი ობიექტი წარმოადგენს გურჯაანისა და საგარეჯოს მუნიციპალიტეტების კუთვნილებაში მყოფ არსებულ გზას. რომლებიც გადის დაუსახლებულ ტერიტორიაზე (სოფ. კაკაბეთამდე) გზის სიგრძე შეადგენს 30 კმ-ს (დაზუსტდეს ადგილზე) სავალი ნაწილის სიგანე 4-8 მ-ს. ზოგ ადგილას შევიწროებულია. გზა გრუნტის საფარიანია, გადის გურჯაანის მუნიციპალიტეტში და გრძელდება საგარეჯოს მუნიციპალიტეტში ტყიან ზოლში. გზა ძლიერ დაზიანებული და ქანობიანია, პირველი 17 კმ მიუყვება მდინარე ჭერემის ხეობას, ორ ადგილას გზა კვეთს მდინარის კალაპოტს. არ გააჩნია კიუვეტები, მომდევნო 13 კმ-ზე გზას არ გააჩნია წყალამრიდი მილები. მოძრაობა შესაძლებელია მხოლოდ სამხიდიანი მანქანით. ნალექების დროს წყალი მიედინება სავალ ნაწილზე, რის გამოც ხდება გზის წარცხვანა. სოფელ ჭერემამდე ადგილობრივი ძალებით დაწყებულია წყალამრიდი მილების და გაბიონების რეაბილიტაციის სამუშაოები.

1.2.2. ტექნიკური დავალება

1.2.2.1. მომსახურების მიზანი

მომსახურების მიწოდება მიზნად ისახავს კაპიტალური საგზაო სამოსის გათვალისწინებით. არსებული საავტომობილო გზის რეაბილიტაციის, ასევე მდინარე ჭერემის ხევზე ორი ახალი სახიდე გადასასვლელის მშენებლობის საპროექტო-სახარჯთაღრიცხვო დოკუმენტაციის შედგენას; რაც გულისხმობს საპროექტო მონაკვეთზე გზის ძირითადი ტექნიკურ-ეკონომიკური და ზოგადი სატრანსპორტო-საექსპლუატაციო მახასიათებლებისა და მონაცემების განხილვას, შესწავლასა და გაანალიზებას, გარემოსდაცვითი, სოციალური და ეკონომიკური შეფასებებისა და ტექნიკური პარამეტრების გათვალისწინებით. სრულყოფილი შეფასების/საპროექტო კვლევის ჩატარებას სარეაბილიტაციო მონაკვეთებზე.

1.2.2.2. საპროექტო-სახარჯთაღრიცხვო დოკუმენტაციის შედგენისას გასათვალისწინებელი მოთხოვნები

საპროექტო კვლევა უნდა მოიცავდეს არსებულ მიმართულებას, ტექნიკურ კვლევასა და გზის პროექტირებას, ტრანსპორტის მოძრაობის ანალიზს, ეკონომიკურ და სოციალურ ანალიზს, მოსაზრებებს განსახლებასთან, არქეოლოგიურ კვლევებთან და პროექტის განხორციელებასთან

დაკავშირებით. ის უნდა ასახავდეს გარემოზე ზემოქმედებისა და შესაძლო დასაკავებელი მიწებისა და განსახლების საკითხებს (ასეთის არსებობის შემთხვევაში).

დავალებით გათვალისწინებული მიზნის მისაღწევად მიმწოდებელი ვალდებულია გაითვალისწინოს:

- გზის პარამეტრები უნდა შეესაბამებოდეს IV კატეგორიას, რომელიც უნდა აკმაყოფილებდეს საქართველოს ეროვნული სტანდარტების (სსტ Gგზები: 2009) მოთხოვნებს;
- გზის სამოსის კონსტრუქცია გაანგარიშებული უნდა იქნეს ერთ ღერძზე დატვირთვით 100 კნ.
- საავტომობილო გზის საფარად გათვალისწინებული უნდა იყოს კაპიტალური საფარი საანგარიშო სიჩქარით 40 კმ.სთ. წყალგამტარი მიწები უნდა აკმაყოფილებდეს 80 ტ. ბორბლიან დატვირთვას (საანგარიშო დატვირთვების მიხედვით A-11 HK-80);
- გზაზე მოსაწყობია კიუვეტები, გასაწმენდია ზედმეტი გრუნტისაგან, წყალამრიდი მიწები, მიერთებები და კერძო შესასვლელები;
- მდინარე ჭერებზე მოსაწყობია ორი ახალი სახიდე გადასასვლელი, რომელიც უნდა აკმაყოფილებდეს 80 ტ. ბორბლიან დატვირთვას (საანგარიშო დატვირთვების მიხედვით AA-11 HK-80).

დავალებით გათვალისწინებული მიზნის მისაღწევად მიმწოდებელი ვალდებულია უზრუნველყოს:

- შემსყიდველთან შეთანხმებული ვერსიას მიხედვით მოამზადოს დეტალური სარეაბილიტაციო-სარეკონსტრუქციო საპროექტო-სახარჯთაღიცხვო დოკუმენტაცია, რომელიც შედგენილი უნდა იყოს საქართველოს საერთო სარგებლობის საავტომობილო გზების გეომეტრიული და სტრუქტურული სტანდარტებითა და საქართველოში მოქმედი სხვა სტანდარტებისა და სამშენებლო ნორმებისა და წესების მოთხოვნებით. ნორმებში რაიმე განსხვავებული დაშვებების აუცილებლობის შემთხვევაში, სპეციფიკური ნორმის დაშვებისას, ან მისი შეზღუდვის საკითხი წინასწარ უნდა იქნას შეთანხმებული შემსყიდველთან;
- ავტოტრანსპორტის მოძრაობის გაუმჯობესებისა და სამუშაოების ღირებულების შემცირების მიზნით, საავტომობილო გზის სამშენებლო და სარეკონსტრუქციო სამუშაოებისათვის საჭირო საპროექტო მომსახურება განახორციელოს საგზაო სამუშაოების კლასიფიკაციის ინსტრუქციის შესაბამისად (საუწყებო სამშენებლო ნორმები);
- საკვლევაძიებო და საპროექტო სამუშაოების დროულად და ხარისხიანად შესრულებისათვის მოახდინოს დაინტერესებულ ორგანიზაციებთან და პირებთან პროექტის საჭირო წინასწარი შეთანხმებები (გარდა სამშენებლო მოედნის, ტერიტორიის გამოყოფისა და განთავისუფლების, რომელიც წარმოადგენს შემსყიდველის მოვალეობას);
- მოახდინოს უახლოესი მოქმედი კარიერებისა და ინერტული მასალების მიმწოდებელი პოტენციური ორგანიზაციების შერჩევა;
- გაითვალისწინოს საავტომობილო გზების დარგში მიღწეული და დაგროვილი საერთაშორისო გამოცდილებები, ახალი ტექნოლოგიებისა და მოწყობილობების გამოყენება, საქართველოს სპეციფიკური პირობებიდან გამომდინარე;

- გზებზე ხელოვნური ნაგებობები (ხიდები, მილები, საყრდენი კედლები და ა.შ.) უნდა დაპროექტდეს საქართველოში მიღებული სამშენებლო ნორმებისა და წესების გათვალისწინებით.

1.2.2.3. გასაწევი ღონისძიებების ჩამონათვალი და თანმიმდევრობა

1.2.2.3.1. საძიებო-კვლევითი სამუშაოები:

საძიებო-კვლევითი სამუშაოებისას გათვალისწინებული უნდა იყოს:

- საპროექტო გზის საინჟინრო-გეოლოგიური კვლევა თითოეულ კილომეტრზე 3 განივი პროფილით 2 შურფის მოწყობის მეთოდით სიღრმით 3.0 მ. და გრუნტის ნიმუშების აღებით;
- დამეწყრილი მონაკვეთების დეტალური შესწავლა;
- ახალი წყალგამშვები მილების საფუძვლის შესწავლა მექანიკური, სვეტური ბურღვის მეთოდით თითოეულ მილზე 1 ან 2 (საჭიროების მიხედვით) ჭაბურღილების გაყვანით სიღრმით 1.0 მეტრამდე გრუნტის ნიმუშების აღებით;
- არსებულ სახიდე გადასასვლელებზე ბურჯების ფუნდამენტებისა და არსებული საყრდენი კედლების ფუნდამენტების მდგომარეობის შესწავლა;
- ჭაბურღილებისა და შურფებიდან აღებული გრუნტის ნიმუშებისა და მონოლითების ლაბორატორიული კვლევის ჩატარება და მათი შედეგების გაანალიზება;
- საპროექტო გზის საინჟინრო - გეოლოგიურ აღწერა და ადრე ჩატარებული გეოლოგიური სამუშაოების მასალების შესწავლა და გაანალიზება;
- ტოპოგეოდეზიური სამუშაოების ჩატარება UTM კოორდინატთა სისტემაში (GeoCORS);
- საჭიროების შემთხვევაში ტრასის ახალი მიმართულების დადგენა;
- რელიეფის ტოპოგრაფიული გადაღება გზის ღერძიდან 30 მეტრში ორივე მხარეს, რომელიც დამუშავებული უნდა იყოს აბსოლუტურ U კოორდინატთა სისტემაში;
- ტრასის პიკეტაჟი;
- ტრასის ნიველირება;
- განივი პროფილების გადაღება მრუდეებსა და მთაგორიან ადგილებში ყოველ 20 მეტრში;
- ტრასის მისაბმელად პროფილში მუდმივი და დროებითი რეპერების მოწყობა ხელოვნურ ნაგებობებთან, დიდ ხიდებთან მდინარის ორივე მხარეს, დიდ ჭრილებთან ჭრილის დასაწყისთან ორივე მხარეს, ხოლო სწორ ადგილებში ყოველ 1200 მ-ში;
- შემსყიდველისთვის ტრასის დამაგრება და რეპერები ჩაბარება სათანადო აქტით;
- დამეწყრილი ადგილების, სახიდე გადასასვლელების, მცირე ხელოვნური ნაგებობების მოწყობის ადგილების დეტალური შესწავლა;
- შერჩეული კარიერებიდან საპროექტო ტრასამდე ზიდვის მანძილების დადგენა;
- სავალი ნაწილის არსებული საგზაო სამოსის კონსტრუქციის გამოკვლევა;
- არსებული ხელოვნური ნაგებობების შეწავლა (საყრდენი კედლები, ხიდები, წყალგამტარი მილები და ა.შ.);
- ზედაპირული წყლების მოცილების ღონისძიებების შესწავლა და ანალიზი;
- არსებული მიწისქვეშა და მიწისზედა კომუნიკაციების მდგომარეობის შესწავლა და დატანა სიტუაციურ გეგმაზე;
- საპროექტო გზის ბუფერში არსებული ხე მცენარეების აღწერა, რომელიც შემდგომში გათვალისწინებული იქნება ხარკთადრიცხვაში;

- საპროექტო გზის განთვისების ზოლში მოხვედრილი საკუთრების მიწის ფართობების რაოდენობისა და მათი სახეობების (სასოფლო-სამეურნეო დანიშნულებისა და სხვ.) განსაზღვრა;

- გზის მიმდებარე და პოტენციური ზემოქმედების ქვეშ მყოფი ფიზიკური გარემოს (გეოლოგია, გეომორფოლოგია, საშიში გეოლოგიური პროცესები, ეროზია, ნიადაგი, ლანდშაფტები, კლიმატი, ჰიდროლოგია, ჰიდროგეოლოგია, წყლის ხარისხი, ფლორა, ფაუნა, კულტურული მემკვიდრეობა, არქეოლოგია და სხვა) შესწავლა.

1.2.2.3.2. კამერალური სამუშაოები

სადიებო-კვლევითი სამუშაოების დასრულების შემდეგ მიმწოდებელმა უნდა უზრუნველყოს კამერალური სამუშაოების ჩატარება შემდეგი პირობების გათვალისწინებით:

- გზის ტრასის სიტუაციური გეგმა დაპროექტების სირთულის პირობების მიხედვით რთული რელიეფის პირობებში მასშტაბში 1 : 1000; გადაკვეთილი რელიეფის პირობებში მასშტაბში 1 : 2000;
- გზის გრძივი პროფილი გადაკვეთილი რელიეფის პირობებში მასშტაბში 1 : 2000 _ 1 : 200, ხოლო რთული რელიეფის პირობებში მასშტაბში 1 : 1000 _ 1 : 100;
- განივი პროფილები რთული რელიეფის პირობებში მასშტაბში 1 : 100 სწორ ადგილებში მასშტაბში 1 : 200;
- ტოპოგრაფიული გეგმები ნორმალურ პირობებში მასშტაბში 1 : 1000 რთული რელიეფის პირობებში მასშტაბში 1 : 500;
- სიტუაცია ტრასის გეგმაზე და გრძივ პროფილზე დატანილი უნდა იყოს სამშენებლო ნორმებით განსაზღვრული პირობითი ნიშნების გამოყენებით;
- აუცილებელია გზის მონიშვნა და საგზაო ნიშნების დაყენება;
- საპროექტო და არსებული მდგომარეობის ტოპოგრაფიულ გეგმებზე დატანილი იქნას რეგისტრირებული მიწის ნაკვეთების გეგმა საკადასტრო საზღვრების, მიწის ნაკვეთების მესაკუთრეების და კოდის მითითებით. ელექტრონული DWG ფაილში.

1.2.2.3.3. საპროექტო დოკუმენტაციის ექსპერტიზა

• სახიდე გადასასვლელების საბოლოო ვერსიას შემუშავების შემდეგ, მიმწოდებელი ვალდებულია საკუთარი ხარჯებით უზრუნველყოს პროექტის ექსპერტიზის ჩატარება დამოუკიდებელი საექსპერტო დაწესებულების ან ექსპერტის მიერ.

• პროექტის ექსპერტიზა უნდა ჩატარდეს სათანადო კვალიფიკაციისა და დარგში აღიარებული ექსპერტების მიერ, შესაბამისად ექსპერტიზის ჩატარებამდე საექსპერტო დაწესებულება ან ექსპერტები წინასწარ უნდა შეთანხმდეს შემსყიდველთან. ხოლო, იმ შემთხვევაში თუ, საპროექტო დოკუმენტაციის თანახმად სამშენებლო ობიექტი განისაზღვრება მე-5 კლასის კატეგორიის ობიექტად, პროექტის ექსპერტიზა სავალდებულოდ უნდა ჩატარდეს ტექნიკური რეგლამენტის - განსაკუთრებული მნიშვნელობის ობიექტების მშენებლობის პროექტების სავალდებულო ექსპერტიზის ჩატარების დროებითი წესის თანახმად რეგისტრირებული ექსპერტების მიერ.

• ყველა ნახაზზე უნდა იყოს აღნიშნული პასუხისმგებელი და შემსრულებელი პირების გვარები და მათი ხელმოწერები.

1.2.2.3.4. გარემოსდაცვითი მოთხოვნები

მიმწოდებელმა პროექტის შემუშავების ყველა ეტაპზე უნდა გაითვალისწინოს გარემოსდაცვითი და სოციალური საკითხები.

მიმწოდებელმა საქმიანობის ადრეულ ეტაპზევე უნდა მოახდინოს იდენტიფიცირება დაგეგმილი სამუშაოებიდან რომელიმე მათგანი ხვდება თუ არა გარემოსდაცვითი შეფასების კოდექსის I და II დანართებიდან ერთ-ერთში და ექვემდებარება თუ არა სკრინინგს ან/და გარემოზე ზემოქმედების შეფასებას საქართველოს კანონმდებლობისა და აზიის გნავითარების აზიის გნავითარების ბანკის პოლიტიკის შესაბამისად. იმ შემთხვევაში თუ პროექტი ექვემდებარება სკრინინგს/ სკოპინგს/ გზშ-ს, მიმწოდებელი ვალდებულია, შემსყიდველიდან წერილობითი თანხმობის მიღების შემდგომ, მოამზადოს სკრინინგის/ სკოპინგისა და გარემოზე ზემოქმედების შეფასების ანგარიშები საქართველოს კანონმდებლობისა და აზიის გნავითარების ბანკის პოლიტიკის მოთხოვნის შესაბამისად. ასევე, გარემოსდაცვითი გადაწყვეტილების მისაღებად, მიმწოდებელი ვალდებულია მოამზადოს სხვა დამატებითი დოკუმენტები საჭიროების შემთხვევაში. თუ დოკუმენტების შესაბამის უწყებებში წარდგენისას გამოვლინდა რაიმე ხარვეზი, მიმწოდებელმა დაუყოვნებლივ უნდა შეიტანოს შესაბამისი ცვლილებები დოკუმენტებში და წარადგინოს ხელახლა.

იმ შემთხვევაში თუ ქვე-პროექტით გათვალისწინებული საქმიანობები არ ექვემდებარება გარემოზე ზემოქმედების შეფასებას, მიმწოდებელმა, შემსყიდველთან შეთანხმებით, უნდა მოამზადოს გარემოსდაცვითი მართვის გეგმა. გეგმაში წარმოდგენილი უნდა იყოს შემდეგი ინფორმაცია (თუმცა არ უნდა შემოიფარგლოს მხოლოდ ამ ინფორმაციით):

- ტოპოგრაფიული, გეოლოგიური და ჰიდროლოგიური მაჩვენებლების შესახებ ინფორმაცია (რელიეფის, გეოლოგიის, მიწის აღწერა, საარქივო მასალებზე დაყრდნობით და ვიზუალური კვლევის საფუძველზე; ინფორმაცია სახიფათო გეოლოგიური პროცესების მიწისქვეშა წყლების ადგილმდებარეობის შესახებ და ა.შ.);

- სიახლოვე მიწისზედა წყლების (მდინარეები, არხები და ა.შ.) შესახებ;

- პოტენციური ადგილები, სადაც შესაძლებელი იქნება ზედმეტი მასალების/გრუნტის, სამშენებლო ნარჩენების განთავსება, მოკლე აღწერა შემოთავაზებული ადგილების (საკადასტრო ინფორმაციის ჩათვლით) და რუკა;

- უახლოესი კარიერების ადგილმდებარეობა და დისტანცია საპროექტო ტერიტორიასთან;
- გზის კორიდორში მოხვედრილი მიწისქვეშა და მიწისზედა ხაზოვანი კომუნიკაციები;
- მიწის საკუთრებისა და მიწათსარგებლობის საკითხები: ა) საკადასტრო ინფორმაცია საპროექტო არეალის; ბ) ფორმალურად დადასტურებული ინფორმაცია პროექტი ახდენს თუ არა ზეგავლენას კერძო საკუთრებაში არსებულ ქონებაზე;

- საპროექტო არეალის მიმდებარე ტერიტორიაზე მოკლე სოციო-ეკონომიკური პირობების აღწერა;

- მცენარეული საფარისა და ფლორის სახეობების აღწერა, იდენტიფიცირება წითელი ნუსხით დაცული სახეობების ბოტანიკური და ზოოლოგიური კვლევის საფუძველზე. იმ შემთხვევაში თუ ქვე-პროექტის ფარგლებში საჭირო გახდება ხეების მოჭრა, მიმწოდებელი ვალდებულია წარმოადგინოს ხეების მოჭრის ნებართვის მისაღებად ყველა საჭირო ინფორმაცია და ხეების აღრიცხვის უწყისი.

მიმწოდებელმა შემსყიდველისგან წერილობითი შეტყობინების მიღების შემდეგ, უნდა დაიწყოს საწყისი გარემოსდაცვითი შეფასების (Initial Environmental Examination) ან/და აზიის გნავითარების ბანკის უსაფრთხოების პოლიტიკით (SPS 2009) განსაზღვრული შესაბამისი გარემოსდაცვითი დოკუმენტების მომზადება.

1.2.2.3.5. განსახლება

მიმწოდებელი სამუშაოების დაწყების საწყის ეტაპზე ვალდებულია საშემნებლო ბუფერში არსებულ ტერიტორიაზე ჩაატაროს დეტალური აზომვითი სამუშაოები. მიმწოდებელმა უნდა მოახდინოს პროექტის ზემოქმედების ქვეშ მოქცეული მიწის ნაკვეთების იდენტიფიცირება და გადაამოწმოს მიწის ნაკვეთების სტატუსი (რეგისტრირებული, არარეგისტრირებული, ლეგალიზებული, არალეგალიზებული, სახელმწიფო საკუთრება და სხვ.) ასევე მიმწოდებელმა უნდა მოახდინოს საშემნებლო ბუფერის ზემოქმედების ქვეშ მოქცეული მიწის ნაკვეთების მეპატრონეების სიის წარმოდგენა სსიპ საქართველოს მუნიციპალური განვითარების ფონდში საკადასტრო კოდებთან ერთად.

ყველა ზემოთ ჩამოთვლილი საქმიანობა დაწყებამდე შეთანხმებული უნდა იყოს შემსყიდველთან (სსიპ საქართველოს მუნიციპალური განვითარების ფონდი).

1.2.2.3.6. განსაკუთრებული პირობა

საშემნებლო საქმიანობის განხორციელების პროცესში, მათ შორის საპროექტო დოკუმენტაციის შედგენის ხელშეკრულების ვადის ამოწურვის შემდეგაც, შესრულებული სამუშაოების ხარისხისა და დეტალური საპროექტო დოკუმენტაციის შესაბამისობის უზრუნველსაყოფად, მიმწოდებელი ვალდებულია მიიღოს მონაწილეობა საპროექტო გადაწყვეტათა დაზუსტებაში, და საჭიროების შემთხვევაში მუშა დოკუმენტაციის, საშემნებლო მოცულობების და კონტრაქტის სხვა შესაბამისი ცვლილებების მომზადება-შეთანხმებაში, შემსყიდველის მოთხოვნის საფუძველზე საშემნებლო სამუშაოების მიმდინარეობის მონიტორინგში, ასევე ტექნიკური დავალების დანართით გათვალისწინებული ღონისძიებების განხორციელებაში.

მიმწოდებელი ვალდებულია საპროექტო დოკუმენტაცია შეადგინოს ისე, რომ არ არც ერთ იურიდიულ და ფიზიკურ პირს არ შეეზღუდოს საავტომობილო და საფეხმავლო მისასვლელი გზები. აღნიშნული საკითხთან დაკავშირებული ყველა დეტალი პროექტირების ეტაპზე შეთანხმებული უნდა იყოს შემსყიდველთან, რათა აღნიშნულ საკითხთან დაკავშირებით გათვალისწინებული იყოს დონორი ორგანიზაციის მოთხოვნები.

1.2.2.4. საპროექტო-სახარჯთაღრიცხვო დოკუმენტაციის შემადგენლობა და წარმოსადგენი დოკუმენტაციის ჩამონათვალი

საპროექტო-სახარჯთაღრიცხვო დოკუმენტაცია უნდა მოიცავდეს ქვემოთ მითითებულ დოკუმენტებს, რომელიც შედგენილი უნდა იყოს საქართველოს საერთო სარგებლობის საავტომობილო გზების გეომეტრიული და სტრუქტურული სტანდარტებითა და საქართველოში მოქმედი სხვა სტანდარტებისა და საშემნებლო ნორმებისა და წესების მოთხოვნებით. (ნორმებში რაიმე განსხვავებული დაშვებების აუცილებლობის შემთხვევაში, სპეციფიკური ნორმის დაშვებისას, ან მისი შეზღუდვის საკითხი წინასწარ უნდა იქნას შეთანხმებული შემსყიდველთან).

- განმარტებითი ბარათი;
- საპროექტო გზის გეგმა;
- გრძივი პროფილები გზის ღერძის გასწვრივ, რომელიც უნდა შეიცავდეს საპროექტო (წითელ), მიწის (შავ) და მუშა ნიშნულებს, კილომეტრაჟს, პიკეტაჟს და მანძილებს მახასიათებელ წერტილებს შორის, გრძივი ქანობების, ვერტიკალური და ჰორიზონტალური

მრუდების გრაფიკულ ასახვას რიცხობრივ მაჩვენებლებთან ერთად, დატანილი უნდა იყოს საპროექტო და არსებული ხელოვნური ნაგებობები პარამეტრებით.

- განივი პროფილები, გადაღებული უნდა იყოს ყოველ 20 მ-ში (საჭიროების მიხედვით) და მახასიათებელ წერტილებში, რომელიც უნდა შეიცავდეს საპროექტო (წითელ), მიწის (შავ) და მუშა ნიშნულებს, მანძილებს მახასიათებელ წერტილებს შორის, განივი ქანობების გრაფიკულ ასახვას რიცხობრივ მაჩვენებლებთან ერთად, მიმდებარე სიტუაციას. დატანილი უნდა იყოს საპროექტო და არსებული ხელოვნური ნაგებობები პარამეტრებთან ერთად).

- საგზაო სამოსის კონსტრუქცია შესაბამისი ანგარიშების გათვალისწინებით (შემსყიდველთან შეთანხმებით);

- წყალამრიდი და სადრენაჟო კონსტრუქციების პროექტი;
- მდინარეებისა და ჩამონადენი წყლების ჰიდროლოგიური ანგარიში.
- სახიდე გადასასვლელების პროექტი მოსალოდნელი მაქსიმალური დატვირთვების გაანგარიშებით.

- ყველა აუცილებელი უწყისი (პროექტის შესაბამისად):

- მშენებლობის კალენდარული გრაფიკი;
- მშენებლობის ორგანიზაცია;
- მშენებლობის ხარჯთაღრიცხვა, რომელიც შედგენილი უნდა იყოს როგორც რესურსული ისე ლოკალური სახით. ხარჯთაღრიცხვის შედგენისას გათვალისწინებული უნდა იყოს მშენებლობის შემფასებელთა კავშირის მიერ გამოცემული ფასები;

- სატენდერო დოკუმენტაციისათვის ტექნიკური სპეციფიკაციები რომელიც ცალკე უნდა დაერთოს საპროექტო-სახარჯთაღრიცხვო დოკუმენტაციას და უნდა მოიცავდეს სამშენებლო ტენდერში მონაწილეთათვის/კონტრაქტორისათვის ზოგად მითითებებსა და რეკომენდაციებს. ასევე, დეტალურ სპეციფიკაციებს (ყველა აუცილებელი სტანდარტის მითითებით) გამოყენებული მასალებისა და მოწყობილობა-დანადგარებისათვის, სამუშაოთა შესრულების/გამოცდის მეთოდებისა და ხარისხის კონტროლისთვის.

1.2.2.5. მომსახურების გაწევისას აუცილებელი სპეციალისტები

დავალებით გათვალისწინებული მიზნის მისაღწევად მიმწოდებელს უნდა ჰყავდეს გამოცდილი სპეციალისტებით დაკომპლექტებული გუნდი. შემსყიდველის მოთხოვნის შემთხვევაში მიმწოდებელმა უნდა უზრუნველყოს ძირითადი სპეციალისტების კანდიდატურების შემსყიდველთან შეთანხმება. ასევე, აუცილებლობის შემთხვევაში შემსყიდველის დასაბუთებული არგუმენტაციის საფუძველზე უზრუნველყოს ძირითადი სპეციალისტების ჩანაცვლება სხვა უფრო მაღალი კვალიფიკაციის სპეციალისტებით.

ტექნიკური დავალებით გათვალისწინებული ღონისძიებების გატარების მიზნით მიმწოდებელმა უნდა უზრუნველყოს ქვემოთ მითითებული კვალიფიკაციისა და გამოცდილების მქონე ძირითადი სპეციალისტების ჩართვა:

1. ხელოვნური ნაგებობების ინჟინერი – სპეციალობით მუშაობის არანაკლებ 10 წლის გამოცდილებით;

2. ტოპოგრაფიული კვლევის სპეციალისტი – სპეციალობით მუშაობის არანაკლებ 5 წლის გამოცდილებით;

3. ინჟინერ-გეოლოგი – სპეციალობით მუშაობის არანაკლებ 10 წლის გამოცდილებით;

4. ჰიდროლოგი - სპეციალობით მუშაობის არანაკლებ 10 წლის გამოცდილებით;

5. ხარჯთაღრიცხვის სპეციალისტი - სპეციალობით მუშაობის არანაკლებ 5 წლის გამოცდილებით;

6. საგზაო ინჟინერი – სპეციალობით მუშაობის არანაკლებ 5 წლისგამოცდილებით;

7. გარემოს დაცვის სპეციალისტი - სპეციალობით მუშაობის არანაკლებ 5 წლისგამოცდილებით.

აუცილებლობის შემთხვევაში მომსახურების დროულად დასრულების მიზნით მიმწოდებელი ვალდებულია უზრუნველყოს ძირითადი სპეციალისტების რაოდენობის გაზრდა.

1.2.3.შემსყიდველის წვლილი

შემსყიდველი გადასცემს მიმწოდებელს მის ხელთ არსებულ ყველა მასალას, რომელიც შეიძლება საჭირო იყოს მომსახურების გაწევისათვის.

პუნქტი 1.3. ხარჯთაღრიცხვა (გათვალისწინებულია დამატებითი დოკუმენტით)

პუნქტი 1.4. მომსახურების ეტაპების მიწოდების ვადები

1.4.1. ხელშეკრულების გაფორმების მომდევნო დღიდან 10 (ათი) კვირის ვადაში, მიმწოდებელი ვალდებულია წარუდგინოს შემსყიდველს თითოეულ დასაპროექტებელ ობიექტზე (1. გურჯაანის და საგარეჯოს მუნიციპალიტეტებში სოფელ ველისციხიდან სოფელ კაკაბეთამდე (ცენტრალურ მაგისტრალამდე სოფ. ჭერემის გავლით) საავტომობილო გზის რეაბილიტაცია; 2. მდინარე ჭერემისხევზე ორი ახალი სახიდე გადასასვლელის მშენებლობა) ჩატარებული საძიებო-კვლევითი საუშაოების ანგარიში, რომელიც მომზადებული უნდა იყოს წინამდებარე დანართით N1 (შესყიდვის ობიექტის აღწერასთან დაკავშირებული ინფორმაცია) გათვალისწინებული მოთხოვნების შესაბამისად. ხელშეკრულებით შემსყიდველის მიერ განსაზღვრული უფლებამოსილი პირი წარმოდგენიდან წარმოდგენიდან 1 (ერთი) კვირის ვადაში განიხილავს თითოეულ ობიექტზე ჩატარებული საძიებო-კვლევითი საუშაოების ანგარიშს და იმ შემთხვევაში თუ წარმოდგენილი ანგარიშები შეესაბამება წინამდებარე დანართით N1 გათვალისწინებულ მოთხოვნას შემსყიდველი მიღება-ჩაბარების აქტის საფუძველზე უზრუნველყოფს წარმოდგენილი დოკუმენტაციის მიღებას, ხოლო ხარვეზის არსებობის შემთხვევაში მიმწოდებელი ვალდებულია არაუგვიანეს 2 (ორი) კვირის ვადაში უზრუნველყოს ხარვეზის გამოსწორება და შემსყიდველის ან ხელშეკრულებით შემსყიდველის უფლებამოსილი პირის მიერ წერილობით ან ელექტრონული ფოსტის საშუალებით წარდგენილი შენიშვნების ან კომენტარების გათვალისწინებით მიაწოდოს შემსყიდველს საძიებო-კვლევითი საუშაოების ანგარიში.

1.4.2. საძიებო-კვლევითი საუშაოების ანგარიშის მიღება-ჩაბარების აქტის გაფორმების თარიღიდან არაუგვიანეს 10 (ათი) კვირის ვადაში მიმწოდებელი ვალდებულია წარუდგინოს შემსყიდველს შესათანხმებლად თითოეული პროექტის (1. გურჯაანის და საგარეჯოს მუნიციპალიტეტებში სოფელ ველისციხიდან სოფელ კაკაბეთამდე (ცენტრალურ მაგისტრალამდე სოფ. ჭერემის გავლით) საავტომობილო გზის რეაბილიტაცია; 2. მდინარე ჭერემისხევზე ორი ახალი სახიდე გადასასვლელის მშენებლობა) საწყისი ვარიანტი. შემსყიდველი ან ხელშეკრულებით შემსყიდველის უფლებამოსილი პირი პროექტების საწყისი ვარიანტის მიღების მომდევნო სამუშაო დღიდან 1 (ერთი) კვირის ვადაში წერილობით ან ელექტრონული ფოსტის საშუალებით მიაწვდის მიმწოდებელს კომენტარებს პროექტების საწყის ვარიანტთან დაკავშირებით.

1.4.3. თითოეული პროექტის პროექტის საწყის ვარიანტთან დაკავშირებით შემსყიდველის ან ხელშეკრულებით შემსყიდველის უფლებამოსილი პირის მიერ კომენტარების გადაცემის მომდევნო დღიდან 1 (ერთი) კვირის ვადაში მიმწოდებელი ვალდებულია კომენტარების გათვალისწინებით შეიტანოს ცვლილებები საპროექტო დოკუმენტაციებში (ასეთის აუცილებლობის შემთხვევაში) და წარუდგინოს შემსყიდველს თითოეული დასაპროექტებელი ობიექტის (1. გურჯაანის და საგარეჯოს მუნიციპალიტეტებში სოფელ ველისციხიდან სოფელ კაკაბეთამდე (ცენტრალურ მაგისტრალამდე სოფ. ჭერემის გავლით) საავტომობილო გზის რეაბილიტაცია; 2. მდინარე ჭერემისხევზე ორი ახალი სახიდე გადასასვლელის მშენებლობა) საბოლოო საპროექტო-სახარჯთაღრიცხვო დოკუმენტაცია.

1.4.4. საავტომობილო გზის გურჯაანის და საგარეჯოს მუნიციპალიტეტებში სოფელ ველისციხიდან სოფელ კაკაბეთამდე (ცენტრალურ მაგისტრალამდე სოფ. ჭერემის გავლით) საავტომობილო გზის) საბოლოო დეტალური საპროექტო სახარჯთაღრიცხვო დოკუმენტაციის მიღება განხორციელდება წარმოდგენიდან 1 (ერთი) კვირის ვადაში, 2. მდინარე ჭერემისხევზე ორი ახალი სახიდე გადასასვლელის მშენებლობა) საბოლოო დეტალური საპროექტო სახარჯთაღრიცხვო დოკუმენტაციების მიღება განხორციელდება საექსპერტო დაწესებულების ან ექსპერტების მიერ საპროექტო დოკუმენტაციაზე გაცემული დადებითი დასკვნის საფუძველზე, დასკვნის წარმოდგენიდან 1 (ერთი) კვირის ვადაში.

1.4.5 (მდინარე ჭერემისხევზე ორი ახალი სახიდე გადასასვლელის მშენებლობა) საბოლოო დეტალური საპროექტო დოკუმენტაციაზე ექსპერტიზის დადებითი დასკვნის მისაღებად შემსყიდველი გონივრულ ვადად განიხილავს არაუგვიანეს 4 (ოთხი) კვირას წინამდებარე პუნქტის 1.4.3. ქვეპუნქტით გათვალისწინებული ვადის ამოწურვის მომდევნო დღიდან. შესაბამისად მიმწოდებელი ვალდებულია გაატაროს ყველა აუცილებელი ღონისძიება დადებითი დასკვნის მისაღებად და გაითვალისწინოს, რომ, როგორც მიმწოდებლის მიზეზით, ასევე საექსპერტო დაწესებულების ან ექსპერტების მიზეზით აღნიშნული ვადის დარღვევის გამო ხელშეკრულებით გათვალისწინებული პასუხისმგებლობა დაეკისრება მიმწოდებელს.

1.4.6. თითოეულ ობიექტზე საბოლოო საპროექტო სახარჯთაღრიცხვო დოკუმენტაციის ჩაბარების დღიდან მოდევნო 1 (ერთი) კვირის ვადაში, მიმწოდებელი ვალდებულია წარუდგინოს შემსყიდველს ადგილობრივ მუნიციპალიტეტთან თითოეული პროექტის შეთანხმების დოკუმენტი.

1.4.7. გარემოსდაცვითი დოკუმენტაციის მიწოდების ვადები

1.4.7.1. ეტაპი I. პროექტის საწყის ვარიანტთან ერთად მიმწოდებელი ვალდებულია შემსყიდველს წარუდგინოს დასკვნა ექვემდებარება თუ არა დაგეგმილი სამუშაოები გარემოზე ზემოქმედების შეფასებას. კერძოდ, „საქართველოს საავტომობილო გზების საგზაო სამუშაოების კლასიფიკაციის ტექნიკური რეგლამენტის“ შესაბამისად (დამტკიცებულია საქართველოს ტავრობის 2013 წლის 10 ივლისი #172 დადგენილებით) განისაზღვროს პროექტის გათვალისწინებული სამუშაოები წარმოადგენს არსებული გზის რეაბილიტაციას, რეკონსტრუქციას თუ მოდერნიზაცია-მშენებლობას.

1.4.7.2. ეტაპი II. იმ შემთხვევაში, თუ გადაწყდება, რომ ქვე-პროექტი საჭიროებს გარემოზე ზემოქმედების შეფასებას, შემსყიდველიდან წერილობითი თანხმობის მიღების შემდგომ, მიმწოდებელი ვალდებულია 2 კვირის განმავლობაში შემსყიდველს წარუდგინოს სკოპინგის

ანგარიშის საწყისი ვარიანტი. შემსყიდველი ან ხელშეკრულებით შემსყიდველის უფლებამოსილი პირი პროექტის საწყისი ვარიანტის მიღების მომდევნო სამუშაო დღიდან 1 (ერთი) კვირის ვადაში წერილობით ან ელექტრონული ფოსტის საშუალებით მიაწვდის მიმწოდებელს კომენტარებს ანგარიშის საწყის ვარიანტთან დაკავშირებით. სკოპინგის ანგარიშის საწყის ვარიანტთან დაკავშირებით შემსყიდველის ან ხელშეკრულებით შემსყიდველის უფლებამოსილი პირის მიერ კომენტარების გადაცემის მომდევნო დღიდან 1 (ერთი) კვირის ვადაში მიმწოდებელი ვალდებულია კომენტარების გათვალისწინებით შეიტანოს ცვლილებები სკოპინგის ანგარიშში (ასეთის აუცილებლობის შემთხვევაში) და წარუდგინოს შემსყიდველს სკოპინგის საბოლოო ანგარიში. საბოლოო ანგარიში უნდა წარმოდგენილიყოს ანგარიში წარმოდგენილი უნდა იქნას ელექტრონულად.

საჭიროების შემთხვევაში, მიმწოდებელმა საწყისი გარემოსდაცვითი შეფასების (Initial Environmental Examination) ან/და აზიის განვითარების ბანკის უსაფრთხოების პოლიტიკით (SPS 2009) განსაზღვრული შესაბამისი გარემოსდაცვითი დოკუმენტები უნდა წარმოადგინოს სკოპინგის ანგარიშთან ერთად.

1.4.7.2. ეტაპი III. მიმწოდებელი ვალდებულია წარუდგინოს შემსყიდველს გარემოზე ზემოქმედების ანგარიშის საწყისი ვარიანტი შემსყიდველიდან წერილობითი თანხმობის მიღების შემდგომ 8 (რვა) კვირის ვადაში. შემსყიდველი ან ხელშეკრულებით შემსყიდველის უფლებამოსილი პირი გზშ-ს ანგარიშის საწყისი ვარიანტის მიღების მომდევნო სამუშაო დღიდან 1 (ერთი) კვირის ვადაში წერილობით ან ელექტრონული ფოსტის საშუალებით მიაწვდის მიმწოდებელს კომენტარებს ანგარიშის საწყის ვარიანტთან დაკავშირებით. გზშ-ს ანგარიშის საწყის ვარიანტთან დაკავშირებით შემსყიდველის ან ხელშეკრულებით შემსყიდველის უფლებამოსილი პირის მიერ კომენტარების გადაცემის მომდევნო დღიდან 1 (ერთი) კვირის ვადაში მიმწოდებელი ვალდებულია კომენტარების გათვალისწინებით შეიტანოს ცვლილებები გზშ-ს ანგარიშში (ასეთის აუცილებლობის შემთხვევაში) და წარუდგინოს შემსყიდველს გზშ-ს საბოლოო ანგარიში. საბოლოო ანგარიში წარმოდგენილი უნდა იყოს ანგარიში წარმოდგენილი უნდა იქნას ელექტრონულად და 2 ქართულ და ერთ ინგლისურ ეგზემპლარად.

1.4.7.2.1. საჭიროების შემთხვევაში, მიმწოდებელმა საწყისი გარემოსდაცვითი შეფასების (Initial Environmental Examination) ან/და აზიის განვითარების ბანკის უსაფრთხოების პოლიტიკით (SPS 2009) განსაზღვრული შესაბამისი გარემოსდაცვითი დოკუმენტების საბოლოო ვერსია (საჯარო განხილვის მასალებთან ერთად) უნდა წარმოადგინოს გზშ ანგარიშთან ერთად.

პუნქტი 1.5. მომსახურების მიწოდების ფორმა და ადგილი

1.5.1. მოსახურების ყველა ეტაპის ანგარიში წარდგენილი უნდა იყოს წერილობითი სახით.

1.5.2. თითოეული დასაპროექტებელი საბოლოო საპროექტო-სახარჯთაღრიცხვო დოკუმენტაცია წარმოდგენილი უნდა იყოს ქართულ და ინგლისურ ენაზე, როგორც ელექტრონულ ფორმატში (MS Word და Excel ფორმატში, გრაფიკული ნაწილი - AutoCAD ან ArchiCAD ფორმატში. სატენდეროდ აუცილებელია, ასევე, ნახაზების წარმოდგენა PDF ფორმატში. კომპაქტური დისკებით (CD ან DVD) სახით.), ასევე ბეჭდური ვერსიით მყარი ასლების (A4 და A3 ფორმატში) სახით ქართულ ენაზე 3 (სამი) ეგზემპლარად, ხოლო ინგლისურ ენაზე 1 (ერთი) ეგზემპლარად, ალბომების სახით.

1.5.3. გარემოსდაცვითი დოკუმენტაცია წარმოდგენილი უნდა იყოს წინამდებარე დანართის N1 (შესყიდვის ობიექტის აღწერასთან დაკავშირებული ინფორმაცია - ტექნიკური დავალება) 1.4.7. პუნქტით გათვალისწინებული პირობების შესაბამისად

1.5.4. სახიდე გადასასვლელების პროექტების საექსპერტო დასკვნა, საბოლოო დეტალური საპროექტო-სახარჯთაღრიცხვო დოკუმენტაციების შეთანხმების დოკუმენტები წარმოდგენილი უნდა იყოს ქართულ ენაზე.

1.5.5. მომსახურების ეტაპის ანგარიში, საბოლოო საპროექტო-სახარჯთაღრიცხვო დოკუმენტაცია, საექსპერტო დასკვნა, შეთანხმების დოკუმენტები და გარემოსდაცვითი დოკუმენტაცია წარდგენილ უნდა იყოს შემდეგ მისამართზე: ქ. თბილისი, დ. აღმაშენებლის გამზირი N150, სსიპ საქართველოს მუნიციპალური განვითარების ფონდი.



მომსახურების ხარჯთაღრიცხვა

№	ობიექტის დასახელება, რომელზეც განხორციელდება მომსახურების გაწევა	შემოთავაზებული ფასი (ლარში)
1	გურჯაანისა და საგარეჯოს მუნიციპალიტეტებში სოფელ ველისციხიდან სოფელ კაკაბეთამდე (ცენტრალურ მაგისტრალამდე სოფელ ჭერმის გავლით) საავტომობილო გზის რეაბილიტაციის დეტალური საპროექტო-სახარჯთაღრიცხვო დოკუმენტაციის შედგენის მომსახურება	245,999.00
2	მდინარე ჭერმის ხეობაში ორი ახალი სახიდე გადასასვლელის მშენებლობის დეტალური საპროექტო-სახარჯთაღრიცხვო დოკუმენტაციის შედგენის მომსახურება	30,000.00
3	გარემოსდაცვითი დოკუმენტაციის შედგენის მომსახურება (*)	24,000.00
სულ ჯამი:		299,999.00

(*) გარემოსდაცვითი დოკუმენტაციის შედგენის მომსახურების ღირებულება არ უნდა იყოს წინადადების საერთო ფასის 8%-ზე ნაკლები.

ხელმოწერა

Absolute
Service

Digitally signed
by Absolute
Service
Date: 2019.03.26
22:01:23 +04'00'

თედორე კუხიანიძე
დირექტორი